



Pantun Klasik
Agama

MOHAMED NAIM DAUPI



www.sajana.sg

PANTUN AGAMA (1)

*K*emun ing di dalam semak,
Jatuh melayang ke dalam paya;
Meski ilmu setinggi tegak.
Tidak sembahyang apa gunanya?



PANTUN AGAMA (2)

*H*arimau belang turun sekawan,
Mati ditikam si janda batu;
Ilmu akhirat tuntutanlah tuan,
Barulah sempurna segala fardu.



PANTUN AGAMA (3)

*Tuan haji memakai jubah,
Singgah sembahyang di tengah lorong;
Kalau sudah kehendak Allah,
Rezeki segenggam jadi sekarung.*



PANTUN AGAMA (4)

*B*ulu merak cantik berkaca,

Gugur sehelai ke dalam baldi;

Jika tak banyak kitab dibaca,

Jangan mengaku khatib dan kadi.



PANTUN AGAMA (5)

*B*anyak bulan perkara bulan,
Tidak semulia bulan puasa;
Banyak tuhan perkara tuhan,
Tidak semulia Tuhan Yang Esa.



PANTUN AGAMA (6)

*D*aun terap di atas dulang,
Anak udang mati dituba;
Dalam kitab ada terlarang,
Yang haram jangan dicuba.



PANTUN AGAMA (7)

*B*unga kenanga di atas kubur,
Pucuk sari pandan Jawa;
Apa guna sombong dan takbur,
Rosak hati badan binasa.



PANTUN AGAMA (8)

*A*nak ayam turun sepuluh,
Mati seekor tinggal sembilan;
Bangun pagi sembahyang subuh,
Minta ampun kepada Tuhan.



PANTUN AGAMA (9)

*A*sam kandis asam gelugur,
Ketiga asam si riang-riang;
Menangis mayat di pintu kubur,
Teringat badan tidak sembahyang.



PANTUN AGAMA (10)

*B*anyaklah hari antara hari,
Tidak semulia hari Jumaat;
Banyak nabi antara nabi,
Tidak semulia Nabi Muhammad.



PANTUN AGAMA (11)

*H*alia ini tanam-tanaman,
Di barat sahaja akan tumbuhnya;
Dunia ini pinjam-pinjaman,
Akhirat juga akan sungguhnya.



PANTUN AGAMA (12)

*K*ulit lembu celup samak,
Mari buat tapak kasut;
Harta dunia jangan ditamak,
Jikalau mati tidak mengikut.



PANTUN AGAMA (13)

*M*alasan hamba menyelam bubu,
Takut terpijak binatang berbisa;
Orang malas menuntut ilmu,
Di akhirat kelak badan binasa.



PANTUN AGAMA (14)

*H*ari ini hari Jumaat,
Hari esok hari Sabtu;
Nabi kita Nabi Muhammad,
Tuhan kita hanyalah satu.



PANTUN AGAMA (15)

*Tanam sepohon limau purut,
Tanam di pasu dengan cermat;
Dunia direbut akhirat dituntut,
Baru sempurna umat Muhammad.*

